



萬首唐人絕句卷第五十二

七言一百首

比紅兒詩

羅虬一百首

其一

姓氏看侵尺五天芳名占斷百花鮮
馬嵬好笑當時事虛賺明皇幸蜀川

其二

金谷園中花正繁墜樓從道感深恩
齊奴恰是來東市不爲紅兒死更冤

其三

唐詩集卷五十二
德星堂
陷却平陽爲小憐周師百萬戰長川更教乞與紅兒
貌舉國山河不直錢

其四

一曲都緣張麗華六宮齊唱後庭花若教比並紅兒
貌枉破當時國與家

其五

樂營門外柳如陰中有佳人畫閣深若是五陵公子
見買時應不啻千金

其六

青絲高綰石榴裙腸斷當筵酒半醺置向漢宮圖書

裏入胡應不數昭君

其七

斜凭欄干醉態新歛眸微眄不勝春當時若遇東昏
主金葉蓮花是此人

其八

匝匝千山與萬山碧桃花下景長閒神仙得似紅兒
貌應免劉郎憶世間

其九

越山重疊越溪斜西子休憐解浣紗得似紅兒今日
貌肯教將去與夫差

其十

詔下人間選好花
月眉雲鬢盡名家
紅兒若向當時
見繫臂先封第一紗

十一

鋒鏑縱橫不敢看
淚垂玉筋正沈瀾
應緣近似紅兒
貌始得深宮奉五官

十二

金縷濃熏百和香
臉紅眉黛入時粧
當時若向喬家
見未敢將心在窈娘

十三

通宵甲帳散香塵
漢帝精誠禮百神
若見紅兒醉中
態也應休憶李夫人

十四

拔得芙蓉出水新
魏家公子信才人
若教瞥見紅兒
貌不肯留情賦洛神

十五

芳姿不合並常人
雲在遙天玉在塵
因事愛思荀奉
倩一生閒坐在傷神

十六

筆底如風思涌泉
賦中休漫說嬋娟
紅兒若在東家

住不得登墻爾許年

十七

一抹濃紅傍臉斜
粧成不語獨攀花
當時若是逢韓壽
未必埋蹤在賈家

十八

樹裊西風日半沉
地無人跡轉傷心
阿嬌得似紅兒貌
不費長門買賦金

十九

五雲高捧紫金堂
花下投壺侍玉皇
從道世人都不識
也應知有杜蘭香

二十

戲水源頭指舊蹤
當時一笑也難逢
紅兒若爲回桃臉
豈比連催舉五峰

二十一

虢國夫人照夜璣
若爲求得與紅兒
醉和香態濃春裏
一樹繁花偃繡幃

二十二

知有持盈玉葉冠
剪雲裁月照人寒
若使紅兒風貌戴
直似瑤池會上看

二十三

明媚何曾讓玉環
破瓜年幾百花顏
若教貌向南朝見
定却梅粧似等閒

二十四

世事悠悠未足稱
懶將閒事更爭能
自從命向紅兒斷
不欲留心在裂繒

二十五

自隱新從夢裏來
嶺雲微步下陽臺
含情一向春風笑
羞殺凡花盡不開

二十六

捨却青娥換玉鞍
古來公子苦無端
莫言一疋追風

馬天驥牽來也不看

二十七

檻外花低瑞露濃
夢魂驚覺暈春容
憑君細看紅兒貌
最稱嚴粧待曉鐘

二十八

薄羅輕剪越溪紋
鷗翅低從兩鬢分
料得相如偷見面
不應琴裏挑文君

二十九

南國東鄰各一時
後來唯有杜紅兒
若教楚國宮人見
羞把畧身並柳枝

三十

照耀金釵簇膩髮見時直向畫屏間黃姑阿母能判
剖十斛明珠也是閒

三十一

輕小休誇似燕身生來占斷紫宮春漢皇若遇紅兒
貌掌上無因着別人

三十二

鸚鵡娥如裊露紅鏡前眉樣自深宮稍教得似紅兒
貌不嫁南朝沈侍中

三十三

擬將心地學安禪爭奈紅兒笑靨圓何物把來堪比
並野塘初綻一枝蓮

三十四

浸草漂花遶檻香最憐穿度樂營牆殷勤留滯綠何
事曾照紅兒一面粧

三十五

雕陰舊俗逞嬋娟有箇紅兒賽洛川常笑世人多誑
誕今朝自見火中蓮

三十六

渡口諸儂樂未休竟陵西望路悠悠石城有箇紅兒

貌兩槩無因迎莫愁

三十七

誰向深山識大仙
勸人山下引春泉
定知不及紅兒貌
枉却工夫漑玉田

三十八

傾國傾城總絕倫
紅兒花下認真身
十年東北看燕趙
眼冷何曾見一人

三十九

今時自謂不諳知
前代由來事見爲
一笑陽城人便惑
何堪教見杜紅兒

四十

京口喧喧百萬人
競傳河鼓謝星津
奈花似雪爭簪髻
今日天容是後身

四十一

青史書來未是真
可知纖智却在秦
再二爲謝齊王后
要解連環別與人

四十二

繡帳鴛鴦對刺紋
博山微暖麝微薰
詩人若有紅兒貌
悔道當時月墜雲

四十三

薄粉輕朱取次施大都端正亦相宜只如花下紅兒
態不藉城中半額眉

四十四

粧成渾欲認前朝金鳳雙釵逐步搖未必慕容宮裏
伴舞風歌月勝纖膏

四十五

琥珀釵成恩正深玉兒妖惑蕩君心莫教回首勻粧
面始覺曾虛擲萬金

四十六

自有閒花一面春臉檀眉黛一時新殷勤爲報梁家

婦休把啼粧賺後人

四十七

輕梳小髻號慵來巧中君心不用媒可得紅兒拋醉
眼漢皇恩澤一時回

四十八

千里長江旦暮潮吳都風俗尚纖腰周郎若見紅兒
貌料得無心念小喬

四十九

月落潛奔暗解携本心誰道欲單棲還緣交甫非良
偶不肯終身作弄妻

五十一

漢皇曾識許飛瓊寫向人間作畫屏昨日紅兒簾下
見大都相似更娉婷

五十二

魏帝休誇薛夜來霧綃雲縠稱身裁紅兒秀發君知
否倚檻繁花帶露開

五十三

曉日雕梁燕語頻見花難可比他人年年媚景歸何
處長作紅兒面上春

五十四

逗玉澱盆浴殿開邀恩先賜夜明苔紅兒若是三千
數多少芳心似死灰

五十五

畫簾垂地紫金牀暗引羊車駐七香若是紅兒此中
住不勞煙篠灑宮廊

五十六

蘇小輕勻一面粧便留名字著錢塘藏鴟門外諸年
少不識紅兒未是狂

五十七

一首長歌萬恨來惹愁漂泊水難回崔徽有底多頭

面費得微之爾許身

五十七

昔年黃閣識奇章
愛說真珠似窈娘
若是紅兒夜深
態便應休說繡衣裳

五十八

鳳拆鶯離恨轉深
此生難負百年心
紅兒若向隋朝
見破鏡無因更重尋

五十九

行縮穠雲立駐軒
我來猶愛不成冤
當時若見紅兒
貌未必形相有此言

六十

總似紅兒媚態新
莫論千度笑爭春
任伊孫武心如
鐵不辨軍前殺此人

六十一

暖塘爭赴蕩舟期
行唱菱歌著艷詞
為問東山謝丞
相可能諸妓勝紅兒

六十二

吳興皇后欲辭家
澤國宮臺展絳霞
今日紅兒貌傾
國恐須真宰別開花

六十三

陌上行人歌黍離三千門客欲何之若教麤及紅兒
貌爭肯樓前斬愛姬

六十四

休話如臯一笑時金鸞中臆錦雞披陋容枉把雕弓
射射盡春禽未展眉

六十五

長恨西風送早秋低眉深念嫁牽牛若同人世長相
對爭作夫妻得到頭

六十六

謝娘休漫逞風姿未必娉婷勝柳枝聞道只應嘲落

絮何曾得似杜紅兒

六十七

總傳桃葉渡江時只為王家一首詩今日紅兒自堪
賦不須重唱舊來詞

六十八

巫山洛浦本無情總為佳人便得名今日雕陰有神
艷後來公子莫相輕

六十九

幾拋雲髻恨金墉淚洗花顏百戰中應有紅兒此子
貌却言皇后長深宮

倚檻還應有所思半開香閣見嬌姿可中得似紅兒
貌若遇韓朋好殺伊

七十一

曉向紗窗與畫眉鏡中長欲助嬌姿若教得似紅兒
貌走馬章臺任道遲

七十二

鍊得霜華助翠鈿相期朝謁玉皇前依稀似紅兒
貌方得吹簫引上天

七十三

重門深掩幾枝花未勝紅兒莫大誇玉柄不能探物
理可能虛上短轅車

七十四

前代休憐事可竒後來還出有光輝爭知畫臥紗窗
裏不有神人覆玉衣

七十五

羽化嘗聞赴九天只疑塵世是虛傳自從一見紅兒
貌始信人間有謫仙

七十六

從道長陵小市東巧將花貌占春風紅兒若是同時

見未必伊先入紫宮

七十七

人間難免是深情
命斷紅兒向此生
何似前時李丞相
枉拋身力為鶯鶯

七十八

鳳舞香飄繡幕風
暖穿馳道百花中
還緣有似紅兒貌
始得迎將入漢宮

七十九

休道將軍出世才
盡驅諸妓下歌臺
都緣沒箇紅兒貌
致使輕教後閣開

八十

馮媛須知住漢宮
將身只是解當熊
不聞有貌傾人國
爭得今朝更比紅

八十一

能將一貌使人迷
花艷何須上大堤
踈屬便同巫峽路
洛川真是武陵溪

八十二

辭輦當時意可知
寵深還恐寵先衰
若教得似紅兒貌
占却君恩自不疑

八十三

三吳時俗重風光未見紅兒一面粧好寫妖嬈與教
看便應休更話真娘

八十四

波平楚澤浸星辰臺上君王宴早春畢竟章華會中
客冠纓虛絕爲何人

八十五

紅兒不向漢宮生便使雙成漫得名疑是麻姑惱塵
世暫教微步下層城

八十六

天碧輕紗只六銖宛風含露透肌膚便教漢曲爭明

媚應沒心情更弄珠

八十七

共嗟含恨向衡陽方寸花牋寄沈郎不似紅兒些子
貌當時爭得少年狂

八十八

淺色桃花亞短牆不因風起也聞香凝情盡日君知
否還似紅兒淡薄粧

八十九

火色櫻桃摘得初仙宮只有世間無凝情盡日君知
否真似紅兒口上朱

九十

宿雨初晴春日長
入簾花氣靜難忘
凝情盡日君知否
真似紅兒舞袖香

九十一

初月纖纖映碧池
池波不動獨看時
凝情盡日君知否
真似紅兒罷舞眉

九十二

濃艷濃香雪壓枝
裊煙和露曉風吹
紅兒被掩粧成後
含笑無人獨立時

九十三

僂上嬌歌裊夜霜
近來休數踏歌娘
紅兒慢唱伊州遍
認取輕敲玉韻長

九十四

金粟粧成扼臂環
舞腰輕轉瑞雲間
紅兒生在開元末
羞殺新豐謝阿蠻

九十五

君看紅兒學醉粧
袴裁宮纈研裙長
誰能更把閒心力
比並當時武媚娘

九十六

梔子同心裊露垂
折來深恐没人知
花前醉客頻相

唐詩卷五十二
問不贈紅兒贈阿誰

九十七

雲間翡翠一雙飛
水上鴛鴦不暫離
寫向人間百般態
與君題作比紅詩

九十八

舊恨長懷不語中
幾回偷淚向春風
還緣不及紅兒貌
却得生教入楚宮

九十九

一舸春深指鄂君
好風從度水成紋
越人若見紅兒面
繡被應羞徹夜薰

一百

花落塵中玉墮泥
香魂應上窈娘堤
欲知此恨無窮處
長倩城烏夜夜啼

萬首唐人絕句卷第五十二

萬首唐人絕句卷第五十三

七言一百首

詠史詩

胡曾一百首

烏江

爭帝圖王勢已傾，八千兵散楚歌聲。
烏江不是無船渡，耻向東吳再起兵。

章華臺

茫茫衰草沒章華，因笑靈王昔好奢。
臺土未乾簫管絕，可憐身死野人家。

細腰宮

楚王辛苦戰無功。國破城荒霸業空。唯有青春花上露。至今猶泣細腰宮。

沙苑

馮翊南邊宿霧開。行人一步一徘徊。誰知此地凋殘柳。盡是高歡敗後栽。

石城

古郢雲開白雪樓。漢江還遶石城流。何人知道寥天月。曾向朱門送莫愁。

荆山

抱玉巖前桂葉稠。碧谿寒水至今流。空山落日猿聲

叫。疑是荆人哭未休。

陽臺

楚國城池颯已空。陽臺雲雨過無蹤。何人更有襄王夢。寂寂巫山十二重。

居延

漠漠平沙際碧天。問人云此是居延。停驂一顧猶魂斷。蘇武爭禁十九年。

沛宮

漢高辛苦事干戈。帝業興隆俊傑多。猶恨四方無壯士。還鄉悲唱大風歌。

金谷園

一自佳人墜玉樓繁華東逐洛河流唯餘金谷園中
樹殘日蟬聲送客愁

湘川

虞舜南捐萬乘君靈妃揮涕竹成紈不知精魄遊何
處落日瀟湘空白雲

夷門

六龍冉冉驟朝昏魏國賢才杳不存唯有侯嬴在時
月夜來空自照夷門

黃金臺

北乘羸馬到燕然此地何人復禮賢欲問昭王無處
所黃金臺上草連天

夷陵

夷陵城闕倚朝雲戰敗秦師縱火焚何事三千珠履
客不能西禦武安君

漢江

漢江一帶碧流長兩岸春風起綠楊借問膠船何處
沒欲停蘭棹祀昭王

蒼梧

有虞龍駕不西還空委簫韶洞壑間無計得知陵寢

處愁雲長滿九疑山

陳宮

陳國機權未可涯如何後主恣嬌奢不知卽入宮中
井猶自聽吹玉樹花

南陽

世亂英雄百戰餘孔明方此樂耕鋤蜀王不自垂三
顧爭得先生出舊廬

卽墨

卽墨門開縱火牛燕師營裏血波流國存不得田單
術齊國尋成一土丘

渭濱

岸草青青渭水流子牙曾此獨垂鉤當時未入非熊
兆幾向斜陽歎白頭

五湖

東上高山望五湖雪濤煙浪起天隅不知范蠡乘舟
後更有功名繼踵無

易水

一日秦王馬角生燕丹歸北送荆卿行人欲識無窮
恨聽取東流易水聲

長平

長平瓦震武安初趙卒俄成戲鼎魚四十萬人俱下
世元戎何用讀兵書

西園

月滿西園夜未央金風不動鄴天涼高情公子多秋
興更領詩人入醉鄉

長沙

江上南風起白蘋長沙城郭異咸秦故鄉猶自嫌卑
濕何況當時賦鵬人

圯橋

廟筭張良獨有餘少年逃難下邳初逡巡不進泥中

履爭得先生一卷書

銅雀臺

魏武龍輿逐逝波高臺空接望陵歌遏雲聲絕悲風
起翻向罇前泣翠娥

東晉

石頭城下浪崔嵬風起聲疑出地雷何事符堅太相
小欲投鞭策過江來

吳江

子胥今日委東流吳國明朝亦古丘大笑夫差諸將
相更無人解守蘇州

函谷關

寂寂函關鎖未開
田文車馬出秦來
朱門不養三千客
誰爲雞鳴得放回

武關

戰國相持竟不休
武關纔掩楚王憂
出門若取靈均語
豈作咸陽一死囚

垓下

拔山力盡霸圖隳
倚劍空歌不逝騅
明月滿營天似水
那堪回首別虞姬

郴縣

義帝南遷路入郴
國亡身死亂山深
不知埋恨窮泉後
幾度西陵片月沉

東海

東巡玉輦委泉臺
徐福樓船尚未回
自是祖龍先下世
不關無路到蓬萊

故宜城

武安南伐勒秦兵
踈鑿功將夏禹并
誰謂長渠千載後
水流猶入故宜城

成都

杜宇曾爲蜀帝王
化禽飛去舊城荒
年年來叫桃花

月似向春風訴國亡

檀溪

三月襄陽綠草齊
王孫相引到檀溪
的盧何處埋龍骨
流水依前遶大堤

青塚

玉貌元期漢帝招
誰知西嫁怨天驕
至今青塚愁雲起
疑是佳人恨未銷

李陵臺

北入單于萬里疆
五千兵敗滯窮荒
英雄不伏蠻夷死
更築高臺望故鄉

河梁

漢家英傑出皇都
攜手河梁話入胡
不是子卿全大節
也應低首拜單于

軹道

漢祖西來秉白旄
子嬰宗廟委波濤
誰憐君有翻身術
解向秦宮殺趙高

漢宮

明妃遠嫁泣西風
玉筋雙垂出漢宮
何事將軍封萬戶
却令紅粉為和戎

豫讓橋

豫讓酬恩歲已深。高名不朽到如今。年年橋上行人過。誰有當時國士心。

華亭

陸機西沒洛陽城。吳國春風草又青。惆悵月中千歲鶴。夜來猶爲喚華亭。

東山

五馬南浮一化龍。謝安入相此山空。不知携妓重來日。幾樹鶯啼谷口風。

殺子谷

舉國賢良盡淚垂。扶蘇屈死樹邊時。至今谷口泉鳴咽。猶似秦人恨李斯。

馬陵

墜葉蕭蕭九月天。驅兵獨過馬陵前。路傍古木蟲書處。記得將軍破敵年。

玉門關

西戎不敢過天山。定遠功成白馬閒。半夜帳中停燭坐。唯思生入玉門關。

滹沱河

光武經營業未興。王郎兵革正憑陵。須知後漢功臣力。不及滹沱一片冰。

黃河

博望沉埋不復旋黃河依舊水茫然
汭流欲共牛郎語只得靈槎送上天

鳳凰臺

秦娥一別鳳凰臺東入青冥更不回
空有玉簫千載後遺聲時到世間來

五丈原

蜀相西驅十萬來秋風原下久徘徊
長星不爲英雄住半夜流光落九垓

平城

漢帝西征陷虜塵一朝圍解議和親
當時已有吹毛劍何事無人殺奉春

汴水

千里長河一旦開亡隋波浪九天來
錦帆未落干戈起惆悵龍舟更不回

蘭臺宮

遲遲春日滿長空亡國離宮蔓草中
宋玉不憂人事變從遊那賦大王風

金牛驛

山嶺千重擁蜀門成都別是一乾坤
五丁不鑿金牛

路秦惠何由得併吞

望思臺

太子銜冤去不回臨臯從築望思臺至今漢武銷魂處猶有悲風木上來

邯鄲

曉入邯鄲十里春東風吹下玉樓塵青娥莫怪頻含笑記得當年失步人

箕山

寂寂箕山春復秋更無人到此溪頭棄瓢巖畔中宵月千古空聞屬許由

會稽山

越王兵敗已山棲豈望全生出會稽何事夫差無遠慮更開羅網放鯨鯢

不周山

共工爭帝力窮秋因此捐生觸不周遂使世間多感密至今哀怨水東流

虞坂

悠悠虞坂路欹斜遲日和風簇野花未省孫陽身沒後幾多騏驥困鹽車

秦庭

楚國君臣草莽間吳王戈甲未東還包胥不動咸陽
哭爭得秦兵出武關

延平津

延平津路水溶溶峭壁巍岑一萬重昨夜七星潭底
見分明神劍化爲龍

瑤池

阿母瑤池宴穆王九天仙樂送瓊漿漫矜八駿行如
電歸到人間國已亡

銅柱

一柱高標險塞垣南蠻不敢犯中原功成自合分茅

土何事翻銜薏苡冤

關西

楊震幽魂下北邙關西蹤跡遂荒涼四知美譽留人
世應與乾坤共久長

高陽池

古人未遇卽銜杯所貴愁腸得酒開何事山公持玉
節等閒深入醉鄉來

瀘水

五月驅兵入不毛月明瀘水瘴煙高誓將雄略酬三
顧豈憚征蠻七縱勞

細柳營

文帝鑿輿勞北征條侯此地整嚴兵轅門不峻將軍
令今日爭知細柳營

葉縣

葉公丘墓已塵埃雲壘崇墉亦半摧借問往年龍見
日幾多風雨送將來

杜郵

自古功成禍亦侵武安寃向杜郵深五湖煙月無窮
水何事遷延到陸沈

柯亭

一宿柯亭月滿天笛亡人沒事空傳中郎在世無甄
別爭得名垂爾許年

葛陂

長房回到葛陂中人已登真竹化龍莫道神仙難頓
學嵇生自是不遭逢

博浪沙

嬴政鯨吞六合秋削平天下虜諸侯山東不是無公
子何事張良獨報讐

隴西

乘春來到隴山西隗氏城荒碧草齊好笑王元不量

力函關那受一丸泥

白帝城

蜀江一帶向東傾江上巍峩白帝城自古山河歸聖
主子陽虛共漢家爭

牛渚

温嶠南歸輟棹晨燃犀牛渚照通津誰知萬丈洪流
下更有朱衣躍馬人

朝歌

長嗟墨翟少風流急管繁絃似寇雙若解聞韶知肉
味朝歌欲到肯回頭

谷口

一旦天真逐水流虎爭龍戰為諸侯子真獨有煙霞
趣谷口耕鋤到白頭

武陵溪

一溪春水徹雲根流出桃花片片新若道長生是虛
語洞中爭得有秦人

大澤

白蛇初斷路人通漢祖龍泉血刃紅不是咸陽將瓦
解素靈那哭月明中

澗池

日照荒城芳草新相如曾此挫強秦能令百二山河
主便作樽前擊缶人

峴山

曉日登臨感晉臣古碑零落峴山春松間殘露頻頻
滴酷似當時墮淚人

滎陽

漢祖東征屈未伸滎陽失律紀生焚當時天下方龍
戰誰為將軍作誅文

長城

祖舜宗堯自太平秦皇何事苦蒼生不知禍起蕭牆

內虛築防胡萬里城

赤壁

烈火西焚魏帝旗周郎開國虎爭時交兵不假揮長
劍已挫英雄百萬師

田橫墓

古墓崔嵬約路岐歌傳薤露到今時也知不去朝黃
屋祇為曾烹酈食其

青門

漢皇提劍滅咸秦亡國諸侯盡是臣唯有東陵守高
節青門甘作種瓜人

姑蘇臺

吳王恃霸棄雄才，貪向姑蘇醉醪醅。
不覺錢塘江上月，一宵西送越兵來。

息城

息亡身入楚王家，回首春風一面花。
感舊不言長掩淚，祇應翻恨有容華。

上蔡

上蔡東門狡兔肥，李斯何事忘南歸。
功成不解謀身退，直待雲陽血染衣。

武昌

王濬戈鋌發上流，武昌鴻業土崩秋。
思量鐵鎖真兒戲，誰爲吳王畫此籌。

鴻溝

虎倦龍疲白刃秋，兩分天下指鴻溝。
項王不覺英雄挫，欲向彭門醉玉樓。

褒城

恃寵嬌多得自由，驪山舉火戲諸侯。
祇知一笑傾人國，不覺胡塵滿玉樓。

金陵

侯景長驅十萬人，可憐梁武坐蒙塵。
生前不得空王

力徒向金田自捨身

洛陽

石勒童年有戰機洛陽長嘯倚門時晉朝不是王夷甫大智何由得預知

番禺

重岡復嶺勢崔嵬一卒當關萬卒回不是大夫多辨說尉他爭肯築朝臺

汨羅

襄王不用直臣籌放逐南來澤國秋自向波間葬魚腹楚人徒倚濟川舟

彭澤

英傑那堪屈下僚便栽門柳事蕭條鳳凰不共雞爭食莫怪先生懶折腰

萬首唐人絕句卷第五十三

萬首唐人絕句卷第五十四

七言一百首

曲江春草

鄭谷 七十一首

花落江隄簇暖煙
雨餘江色遠相連
香輪莫輾青青
破留與愁人一醉眠

雪中偶題

亂飄僧舍茶煙濕
密灑歌樓酒力微
江上晚來堪畫
處漁人披得一簑歸

題慈恩寺默公院

雖近曲江居古寺
舊山終憶九華峯
春來老病厭迎

送翦却牡丹栽野松

卷末偶題三首

一卷踈蕪一百篇名成未敢暫忘筌何如海月生殘夜一句能令萬古傳

七歲侍行湖外去岳陽樓上敢題詩如今衰晚無功業何以勝任國士知

一第由來是出身垂名須爲國風陳此生若不知騷雅孤宦如何作近臣

江上阻風

水天春暗暮寒濃船閉蓬窻細雨中聞道漁家酒初

熟夜來翻喜打頭風

十日菊

節去蜂愁蝶不知曉庭還繞折殘枝自綠今日人心別未必秋香一夜衰

鷺鷥

閒立春塘煙澹澹靜眠寒葦雨颼颼漁翁歸後沙汀晚飛上灘頭更自由

柳

半煙半雨江橋畔映杏映桃山路中會得離人無限意千絲萬絮惹春風

越鳥

背霜南鴈不到處倚棹北人初聽時梅雨滿江春草
歇一聲聲在荔枝枝

忍公小軒二首

松溪水色綠於松每到松溪到暮鐘閒得心源祇如
此問禪何必向雙峰

舊遊前事半埃塵多向中林結淨因一念一爐香火
裏後身唯願似師身

淮上漁者

白頭波上白頭翁家逐船移浦浦風一尺鱸魚新釣

得兒孫吹火荻花中

興州江館

向蜀還秦計未成寒蛩一夜遶牀鳴愁眠不穩孤燈
盡坐聽嘉陵江水聲

投所知

砌下芝蘭新滿徑門前桃李舊垂陰却應回念江邊
草放出春煙一寸心

淮上與友人別

揚子江頭楊柳春楊花愁殺渡江人數聲風笛離亭
晚君向瀟湘我向秦

七祖院小山

小巧功成雨蘚斑
軒車日日扣松關
我眉咫尺無人
去却向僧窻看假山

傳經院壁畫松

危根瘦蓋聳孤峰
珍重江僧好筆蹤
得向游人多處
畫却勝澗底作真松

貧女吟

塵壓鴛鴦廢錦機
滿頭空插麗春枝
東鄰舞妓多金
翠笑剪燈花學畫眉

送張逸人

人間踈散更無人
浪兀孤舟酒兀身
蘆筍鱸魚拋不
得五陵珍重五湖春

爲人題

淚濕孤鸞曉鏡昏
近來方解惜青春
杏花楊柳年年
好不忍回看舊寫真

無本上人小齋二首

寒寺唯應我訪師
人稀境靜雪消遲
竹西落照侵窻
好堪惜歸時落照時

松上江雲石上苔
自嫌歸去夕陽催
山門握手無他
語只約今冬看雪來

贈日東鑒禪師

故國無心渡海潮老禪方丈倚中條夜深雨絕松堂
靜一點山螢照寂寥

蜀中賞海棠

濃淡芳春滿蜀鄉半隨風雨斷鶯腸浣花溪上堪惆
悵子美無情爲發揚杜工部老於西蜀無海棠詩

再經南陽

平蕪漠漠失樓臺昔日游人亂後來寥落墻垣春欲
暮燒殘宮樹有花開

讀李白集

何事文星與酒星一時分付李先生高吟大醉三千
首留着人間伴月明

席上貽歌者

花月樓臺近九衢清歌一曲倒金壺坐中亦有江南
客莫向春風唱鷓鴣

酬高蟾先輩

張生故國三千里知者唯應杜紫微君有君恩秋後
葉可能更羨謝玄暉君有後宮詞云君恩秋後葉日日向人疎

蓮葉

移舟水濺差差綠倚檻風搖柄柄香多謝浣溪人未

折雨中留得蓋鴛鴦

早入諫院二首

玉階春冷未催班
暫拂塵衣枕笏眠
孤立小心還自
笑
夢魂潛繞御鑪煙

紫雲重疊抱春城
廊下人稀唱漏聲
偷得微吟斜倚
柱
滿衣花露聽宮鶯

東蜀春晚

如此浮生更別離
可堪長慟送春歸
潼江水上楊花
雪
剛逐孤舟繚繞飛

野步

翠嵐迎步興何長
笑領漁翁入醉鄉
日暮渚田微雨
後
鷺鷥閒暇稻花涼

下第退居二首

年來還未上丹梯
正着漁簑謝故溪
落盡梨花春又
了
破籬殘雨晚鶯啼

未嘗青杏出長安
豪士應疑怕牡丹
只有退耕耕不
得
默然春落水吹殘

欵枕

欵枕高歌日午春
酒酣睡足最關身
明明會得窮通
理
未必輸他馬上人

經賈島墓

水遶荒墳縣路斜耕人訝我又咨嗟重來兼恐無尋
處日落風吹鼓子花

贈下第舉公

見君失意我惆悵記得當年落第情出去無悽歸又
悶花南漫打講鐘聲

悶題

莫厭九衢塵土間秋晴滿眼是南山僧家未必全無
事道着訪僧心且閒

初還京師

秋光不見舊池臺四顧荒涼瓦礫堆火力不能燒地
力亂前黃菊眼前開

春陰

携琴當酒度春陰不解謀生只解吟舞蝶歌鶯莫相
說老郎心是老僧心

浯溪

湛湛清江疊疊山白雲白鳥在其間漁翁醉睡又醒
睡誰道皇天最惜閒

失鷺鷥

野格由來倦小池鷺鷥飛却下碧江涯月昏風急宿何

處秋岸蕭蕭黃葦枝

文昌寓直

何遜空階夜雨平朝來交直雨新晴落花亂下花墀
上不忍和苔踏紫英

街西晚歸

御溝春水繞閒坊信馬歸來傍短牆幽榭名園臨紫
陌晚風時帶牡丹香

偶書

承時偷喜負明神務實那能得庇身不會蒼蒼主何
事忍饑多是力耕人

閒題

舉世何人肯自知須逢精鑑定妍蚩若教嫫母臨明
鏡也道不勞紅粉施

下峽

憶子啼猿繞樹哀雨隨孤棹過陽臺波頭未白人頭
白瞥見春風艷瀨堆

江宿聞蘆管

塞曲淒涼楚水濱聲聲吹出落梅春須知風月千墻
下亦有胡蘆河畔人

和知己秋日傷懷

流水歌聲共不回去年天氣舊亭臺梁塵寂寞燕歸
去黃蜀葵花一朵開

重訪黃神谷策禪者

初塵芸閣來禪閣却訪支郎是老郎我趣轉卑師趣
靜數峰秋雪一爐香

定水寺行香

聽松看畫繞虛廊風拂金鑪待賜香丞相未來春雪
密暫偷閒臥老僧牀

黃鶯

春雲薄薄日輝輝宮樹煙深隔水飛應爲能歌繫仙

籍麻姑乞與女真衣

槐花

穠穠金蕊撲晴空舉子魂驚落照中今日老郎猶有
恨昔年相戲十秋風

永日有寄

昨消永日是樗蒲坑壑由來似宦途兩擲未離犍
擲坐中可惜爲呼盧

小桃

煙和雨遮敷水映竹映村連霸陵撩弄春風耐寒
到頭贏得杏花憎

苔錢

春 秋紫繞池臺箇箇圓如濟世財
雨後無端滿窮巷買花不得買愁來

靜吟

騷雅荒涼我自安月和餘雪夜吟寒
相門相客應相笑得句勝於得好官

菊

王孫莫把比荆蒿九日枝枝近鬢毛
露濕秋香滿池岸由來不羨五松高

壬戌西幸後

武德門前顥氣新雪融鴛瓦土膏春
夜來夢到宣麻處草沒龍墀不見人

多虞

多虞難住人稀處近耗渾無戰罷碁
向闕歸山俱未得且沽春酒且吟詩

短褐

閒披短褐杖山藤頭不是僧心是僧
坐睡覺來清夜半芭蕉影動道場燈

曲江紅杏

遮莫江頭柳色遮日濃鶯鶯睡一枝
斜女郎折得殷勤

看道是春風及第花

折得梅

寒步江村折得梅孤香不肯待春催滿枝盡是愁人
淚莫帶朝來露濕來

牡丹

畫堂簾卷張清宴含香帶霧情無限春風愛惜未放
開柘枝鼓振紅英綻

寂寞

江郡人稀便是村踏青天氣欲黃昏春愁不破還成
醉衣上淚痕和酒痕

亂後灞上

柳絲牽水杏房紅煙岸人稀草色中日暮一行高鳥
處依稀合是望春宮

長門怨二首

閒把羅衣泣鳳凰先朝曾教舞霓裳春來却羨桃花
落得逐晴風出禁墻

流水君恩共不回杏花爭忍掃成堆殘春未必多煙
雨淚滴閒堦長綠苔

三月三日舟中奉和

張說一首

暮春三月日重三春水桃花滿襖潭廣樂逶迤天上

下仙舟搖衍鏡中酣

上巳日貢院贈內 權德輿 二首

三日韶光處處新
九華仙洞七香輪
老夫留滯何由去
珉玉相和正繞身

襖飲尋春興有餘
深情婉婉見雙魚
同心齊體如身到
臨水煩君便袂除

曲江上巳

趙璜 二首

長堤十里轉香車
兩岸煙花錦不如
欲問神仙在何處
紫雲樓閣向空虛

題七夕圖

帝子吹簫上翠微
秋風一曲鳳凰歸
明年七月重相見
依舊高懸織女機

三月晦日會李員外 令狐楚 二首

三月唯殘一日春
玉山傾倒白鷗馴
不辭便學山人醉
交下無人作主人

中元日贈張尊師

偶來人世值中元
不獻玄都永日閒
寂寂焚香在仙觀
知師遙禮玉京山

和張燕公汎洞庭 尹恣 一首

風光浙瀝草中飄
日采熒熒水上搖
幸奉瀟湘雲壑

意山傍容與動仙橈

蜀中九日

王勃 一首

九月九日望鄉臺他席他鄉送客杯人今已厭南中
苦鴻鴈那從北地來

賀子及第贈營妓紅綾 楊汝士 一首

郎君得意及青春蜀國將軍又不貧一曲高歌紅一
匹兩頭娘子謝夫人

及第後宿平康里 裴思謙 一首

銀缸斜背解明璫小語低聲賀玉郎從此不知蘭麝
貴夜來新惹桂枝香

送司馬道士遊天台 宋之問 二首

羽客笙歌此地違離筵數處白雲飛蓬萊闕下長相
憶桐柏山頭去不歸

登逍遙樓

逍遙樓上望鄉關綠水泓澄雲霧間北去衡陽二千
里無因鴈足繫書還

荅泉州使君重陽贈酒 李嘉祐 一首

欲強登高無力去籬邊黃菊為誰開共知不是潯陽
郡那得王宏送酒來

仲月賞花 韋同則 一首

梅花似雪柳含煙南地風光臘月前把酒且須判却
醉風流何必待歌筵

九月十日卽事

陳羽 一首

漢江天外東流去巴塞連山萬里秋節過重陽人病
起一枝殘菊不勝愁

題雲夢亭

崔櫓 一首

薄煙如夢雨如塵霜景晴來却勝春好住池西紅葉
樹明年今日伴何人

九日登高懷友

鄭綯 一首

簪茱泛菊俯平阡飲過三杯却惘然十歲此辰同醉

友登高各處已三年

樊川寒食二首

盧延讓

寒食權豪盡出行一川如畫雨初晴誰家金絡游春
盛擔入花間軋軋聲

鞍馬和花總是塵歌聲處處有佳人五陵年少麤於
事考棖量金買斷春

楊柳枝詞

滕邁 一首

三條陌上拂金羈萬里橋邊映酒旗此日令人腸欲
斷不堪將入笛中吹

代妻答

幽州士子 一首

蓬鬢荆釵世所稀
布裙猶是嫁時衣
胡麻好種無人種
合是歸時底不歸

不第失意賦

盧汪一首

惆悵興亡繫綺羅
世人猶自選青娥
越王解破夫差國
一箇西施已太多

徐州使院作

王智興一首

平生弓劍自相隨
剛被郎官遣作詩
江南花柳從君詠
塞北煙塵我自知

折楊柳

喬知之一首

可憐濯濯春楊柳
攀折將來就織手
妾容共此同盛

衰何必君恩獨能久

九月九日旅望

邵大震一首

九月九日望遙空
秋水秋天生夕風
寒鴈一向南飛遠
游人幾度菊花叢

獻主文

劉虛白一首

三十年前此夜中
一般燈火一般風
不知歲月能多少
猶着麻衣待至公

槐花

翁承贊一首

雨中裝點望中黃
勾引蟬聲送夕陽
憶昔當年隨計吏
馬蹄終日爲君忙

唐詩卷五十四
鮑防一首
世間禊事風流處鏡裏雲山若畫屏今日會稽王內

史好將賓客醉蘭亭

世間禊事風流處鏡裏雲山若畫屏今日會稽王內
史好將賓客醉蘭亭

鮑防一首

世間禊事風流處鏡裏雲山若畫屏今日會稽王內

鮑防一首

鮑防一首

世間禊事風流處鏡裏雲山若畫屏今日會稽王內

鮑防一首

萬首唐人絕句卷第五十四

萬首唐人絕句卷第五十五

七言一百首

敬酬陸山人二首 戴叔倫 二十一首

黨議連誅不可聞直臣高士去紛紛當時漏奪無人
問出宰東陽笑殺君

由來海畔逐樵漁奉詔因乘使者車却掌山中子男
印自看猶是舊潛夫

荅崔法曹賦四雪

楚僧躡雪來招隱先訪高人積雪中已別剡溪逢雪
去雪山脩道與師同

撫州被推昭雪答陸太祝三首

德星堂

求理由來許便宜漢朝龔遂不爲疵如今謗起翻成
累唯有新人子細知

貧交相愛果無疑共向人間聽直詞從古以來何限
枉慚知暗室不曾欺

春風旅館長庭蕪俛首低眉一老夫已對鐵冠窮事
本不知廷尉念冤無

送獨孤悵還京

舉家相逐還鄉去不向秋風怨別時湖水兩重山萬
里定知行盡到京師

臨流送顧東陽

海上獨歸慚不及邑中遺愛定無雙蘭橈起唱逐流
去却恨山溪通外江

行營送馬侍御

萬里羽書來未絕五關烽火書仍傳故人多病盡歸
去唯有劉楨不得眠

送秦系

五都來往無舊業一代公卿盡故人不肯低頭受羈
束遠師溪上拂纓塵

送裴判官回湖南

莫怕南風且盡歡
湘山多雨夏中寒
送君萬里不覺
遠此地曾為心
鐵官

再巡道永留別

鬢下初驚白髮時
更逢離別助秋悲
從今不學四方
事已共家人海上期

別崔法曹

欲作別離西入秦
芝田棗逕往來頻
東湖此夕更留
醉逢着廬山學道人

送蕭二

擬向閭田老此身
寒郊怨別甚於春
又聞故里朋遊

盡到日知逢何處人

湘川野望

懷王獨與佞人謀
聞道忠臣入亂流
今日登高望不見
楚雲湘水各悠悠

將至道州寄李使君

九疑深路遶山回
木落天清猿晝哀
猶隔簫韶一峰
在遙傳五馬向東來

與虞沔州謁藏真上人

故侯將我到山中
更上西風見遠公
共問置心何處
好主人揮手指虛空

題招隱寺

昨日臨川謝病還求田問舍獨相關宋時有井如今
在却種胡麻不買山

過珥瀆單老

毫末成圍海變田單家依舊住溪邊比來已向人間
老今日相過却少年

族兄各年八十餘見招游洞

鶴髮婆婆鄉里親相邀共看往年春擬將兒女歸來
住且是茅山見老人

登高回乘月尋僧

插鬢茱萸來未盡共隨明月下沙堆高緇寂寂不相
問醉客無端入定來

客中作

杜巖一首

書劍催人不斷閒洛陽羈旅復秦關容顏歲歲愁遷
改鄉國時時夢裏還

登韓公堆

崔滌一首

韓公堆上望秦川渺渺關山西接連孤客一身千里
外未知何日是歸年

送別

沈宇一首

菊黃蘆白鴈初飛羌笛胡琴淚滿衣送君腸斷秋江

水一去東流何日歸

途中

孫逖 一首

鄴城東北望陵臺
珠翠繁華去不回
無復新粧豔紅粉
空餘故壘滿青苔

過故人宅

王喬 一首

故人軒騎罷歸來
舊宅園林閉不開
唯餘挾瑟高堂婦
哭向平生歌舞臺

九日宴

張諤 一首

秋葉風吹黃颯颯
晴雲日照白鱗鱗
歸來得問茱萸女
今日登高醉幾人

西施石

樓穎 一首

西施昔日浣紗津
石上青苔思殺人
一去姑蘇不復返
岸傍桃李爲誰春

落第留別主人

豆盧復 一首

客裏愁多不記春
聞鶯始歎柳條新
年年下第東歸去
羞見長安舊主人

上徐中書

褚朝陽 一首

中禁仙池越鳳凰
池邊詞客紫薇郎
既能作頌雄風起
何不時吹蘭蕙香

嵩山尋馮鍊師不遇

崔署 一首

青溪訪道凌煙署王子仙成已飛去更值空山雷雨
時雲林薄暮歸何處

春日歌

沈頌 一首

嘗聞嬴女玉簫臺奏曲情深彩鳳來欲登此地消歸
恨却羨雙飛去不回

南中感懷

樊晃 一首

南路蹉跎客未回常嗟物候暗相催四時不變江頭
草十月先開嶺上梅

怨歌

薛維翰 一首

百尺朱樓臨狹斜新粧能唱美人車皆言賤妾紅顏

好要自狂夫不憶家

催粧

徐璧 一首

傳聞燭下調紅粉明鏡臺前別作春不須滿面渾粧
却留著雙眉待畫人

古意

徐振 一首

擾擾都城曉又昏六街車馬五侯門箕山滑水空明
月可是巢由絕子孫

落第怨刺

胡曾 一首

翰苑何時休嫁女文昌早晚罷生兒上林新桂年年
發不許平人折一枝

寄妻

李令一首

有人教我向衡陽一度思歸欲斷腸
爲報艷妻兼少女與吾覓取朗州場

贈潭州李尚書

舒元興一首

湘江舞罷忽成悲便脫蠻靴出絳帷
誰是蔡邕琴酒客魏公懷舊嫁文姬

上蔡撫州

張頂一首

拋却長竿卷却絲手携篋笥獻新詩
臨川太守清如鏡不是漁人下釣時

商山四老

蔡京一首

秦末家家思逐鹿商山四老獨忘機
如何鬢髮霜相似更出深山定是非

蠶婦

杜荀鶴二十九首

粉色全無饑色加豈知人世有榮華
年年道我蠶辛苦底事渾身著苧麻

老僧二首

草屐無塵心地閒靜隨猿鳥過寒暄
眼昏齒落經看遍却向僧中總不言

童子爲僧今白首暗鋤心地種閒情
時將舊衲添新線披坐披行過一生

閩中秋思

雨勻紫菊叢叢色風弄紅蕉葉葉聲北畔是山南畔
海祗堪圖畫不堪行

贈僧

利門名路兩何憑百歲風前短焰燈只恐爲僧僧不
了爲僧得了盡輸僧

溪興

山雨溪風卷釣絲瓦甌篷底獨斟時醉來睡着無人
喚流下前灘也不知

過巢湖

世人貪利復貪榮來向湖邊始至誠男子登舟與登
陸把心何不一般行

傷硤石縣病叟

無子無孫一病翁將何筋力事耕農官家不管蓬蒿
地須隔王租出此中

溪岸秋思

桑柘窮頭三四家挂罾垂釣是生涯秋風忽起溪浪
白零落岸邊蘆荻花

春日旅寓

滿城羅綺拖春色幾處笙歌揭畫樓江上有家歸未

得眼前花是眼前愁

秋夕二首

世間多少能詩客誰是無愁得睡人自我夜來霜月下到頭吟魄始終身
壞屋不眠風雨夜故園無信水雲秋病中枕上誰相問一蟬聲槐樹頭

田翁

白髮星星筋力衰種田猶自伴孫兒官苗若不平平納任是豐年也受饑

秋江雨夜逢詩友

故友別來三四載新詩吟得百餘篇夜來江上秋無月恨不相逢在雪天

感春

無況青春有恨身眼前花似夢中春浮生七十今三十已是人間半世人

宿欒城驛却寄常山張書記

一更更盡到三更吟破離心句不成數樹秋風滿庭月憶君時復下階行

湘江秋夕

三秋月色三湘水浸骨寒光似練鋪一夜塞鴻來不

住故鄉書信半年無

贈崔道士

四海兵戈無靜處人家廢業望烽煙九華道士渾如
夢猶向尊前笑揭天

題道林寺

身未立間終日苦身當立後幾年榮萬般不及僧無
事共水將山過一生

旅懷二首

蒹葭月冷時聞鴈楊柳風和日聽鶯水涉山行二年
客就中偏怕雨船聲

月華星采坐來收嶽色江聲暗結愁半夜燈前十年
事一時和雨到心頭

經嚴陵釣臺

蒼翠雲峰開俗眼泓澄煙水浸塵心唯將道業爲芳
餌釣得高名直至今

關試後筵上別同人

日午離筵到夕陽明朝秦地與吳鄉同年多是長安
客不信行人欲斷腸

新鴈

暮天新鴈起汀洲紅蓼花疎水國秋想得故園今夜

月幾人相憶在江樓

自遣

糲食麤衣隨分過堆金積帛欲如何百年身後一丘土貧富高低爭幾多

子規

楚天空闊月成輪蜀魄聲聲似告人啼得血流無用處不如緘口過殘春

贈質上人

耕坐雲遊出世塵兼無瓶鉢可隨身逢人不說人間事便是人間無事人

秋夜苦吟

吟盡三更未着題竹風松雨共淒淒此時若有人來聽始覺巴猿不解啼

秋夜聞砧

荒涼客舍眠秋色砧杵家家弄月明不及巴山聽猿夜三聲中不有愁聲

上東川楊尚書二首 柳棠

莫言名位未相儔風月何曾阻獻酬前輩不須輕後輩靖安今日在衡州

荅楊尚書

未向燕臺逢厚禮幸因社會接餘歡一魚喫了終無恨鯤化成鵬也不難

為松滋令贈副戎南卓一首

翺翔曾在玉京天墮落江南路幾千從事不須輕縣宰滿身猶帶御爐煙

詠和親

蘇郁二首

關月夜懸青塚鏡塞雲秋薄漢宮羅君王莫信和親策生得胡雛虜更多

鸚鵡詞

莫把金籠閉鸚鵡箇箇分明解人語忽然更向君前

語三十六宮愁幾許

詠燕上主司

歐陽澥一首

翩翩雙燕畫堂開送古迎今幾萬回長向春秋社前後為誰歸去為誰來

獻盧梓州

萬彤雲一首

荷衣拭淚幾回穿欲謁朱門抵上天不是尚書輕下客山家無物與王權

戲游夔州

盧子發一首

白帝城頭二月時忍交清醒看花枝莫言世上無袁許客子由來是相師

唐詩卷五
詠蟹

皮日休 二首

未游滄海早知名有骨還從肉上生莫道無心畏雷
電海龍王處也橫行

金錢花

陰陽爲炭地爲爐鑄出金錢不用模漠向人前逞顏
色不知還解濟貧無

醉題廣州使院

鄭愚 一首

數年百姓受饑荒太守貪殘似虎狼今日海隅魚米
賤大須慚愧石留黃

題僂娥驛

李日新 一首

商山食店大悠悠陳黥鮓饌古饒頭更有壽終牛肉
炙當盤數鬻紫光毬

戲張祐

朱沖和 一首

白在東都元已薨蘭臺鳳閣少人登冬瓜堰下逢張
祐牛屎堆邊說我能

戲題盱眙壁

韋鵬翼 一首

豈肯閒尋竹徑行却嫌絲管好蛙聲自從煮鶴燒琴
後背却青山臥月明

戲示諸妓

張保嗣 一首

綠羅裙上標三棒紅粉腮邊淚兩行抄手向前咨大

使這回不敢惱兒郎

上浙東孟尚書

孔融一首

有箇將軍不得名
唯教健卒喝書生
尚書治化清如鏡
天子官街不許行

翻韻贈崔漳州

黎瓘一首

慣向溪邊折柳楊
因循行客到州漳
無端觸忤王衙押
不得今朝看飲鄉

春恨三首

錢珣五首

負罪將軍在北朝
秦淮芳草綠迢迢
高臺愛妾魂消盡
始倚丘遲為一招

又戍臨洮報未歸
篋香消盡別時衣
身輕願比蘭階蝶
萬里還尋塞草飛

永巷頻聞小苑游
舊恩如淚亦難收
君前願報新顏色
團扇須防白露秋

蜀國偶題

忽憶明皇西幸時
時時傷潛恨竟誰知
佩蘭應語宮臣道
莫向金盤進荔枝

未展芭蕉

冷燭無煙綠蠟乾
芳心猶卷怯春寒
一緘書札藏何事
會被東風暗折看

奉和韓晉公晦日

顧況 五首

江南無處不聞歌
晦日中軍樂更多
不是風光催柳色
却緣威令動陽和

悲歌四首

我欲昇天隔霄漢
我欲渡水水無橋
我欲上山山路險
我欲汲水水泉遙

越人翠被今何寂
獨立江邊沙草碧
紫燕西飛欲寄書
白雲何處逢來客

新結青絲百尺繩
心在君家轆轤上
我心皎潔君不知
轆轤一轉一惆悵

何處風光驚曉幕
江南綠水通朱閣
美人二八顏如花
泣向春風畏花落

催粧

盧儲 一首

昔年將去玉京遊
第一僊人許狀頭
今日幸為秦晉會
早教鸞鳳下粧樓

獻淮南師

李嶸 一首

雞樹煙含瑞氣凝
鳳池波待玉山澄
國人已倚東關望
擬築沙堤到廣陵

勸少年

李錡 一首

勸君莫惜金縷衣
勸君須惜少年時
有花堪折直須折

折莫待無花空折枝

萬首唐人絕句卷第五十五

萬首唐人絕句卷第五十六

七言一百首

有感

司空圖一

國事皆須救未然漢家高閣漫凌煙
功臣盡遣詞人贊不省滄洲畫魯連

歌

處處亭臺只壞牆軍營人學內人粧
太平故事因君唱馬上曾聽隔教坊

偈

人若憎時我亦憎逃名最要是無能
後生乞汝殘風

月自作深林不語僧

鸚

不是流鶯獨占春林門綵翠四時新應知擬上屏風
畫偏坐橫枝亦向人

白菊雜書四首

黃昏寒立更披襟露浥清香悅道心却笑誰家扇繡
戶正薰龍麝暖鴛衾

四面雲屏一帶天是非斷得自脩然此生只是償詩
債白菊開時最不眠

狂才不足自英雄僕妾驅令學販春侯印幾人封萬
戶儂家只辦買孤峰

黃鸝囀處誰同聽白菊開時且剩過漫道南朝足流
品由來叔寶不宜多

漫題

經亂年年厭別離歌聲喜似太平時詞臣更有中興
頌磨取蓮峰便作碑

率題

宦路前銜閒不記醉鄉佳境興方濃一林高竹長遮
日四壁寒山更閨冬

磻戶

一唐詩卷五
二
礪戶芳煙接水村亂來歸得道仍存數竿新竹當軒
上不羨侯家立戟門

故鄉杏花

寄花寄酒喜新開左把花枝右把杯欲問花枝與杯
酒故人何得不同來

華下二首

故國春歸未有涯小欄高檻別人家五更惆悵回孤
枕猶自殘燈照落花
關外風昏欲雨天薺花耕倒枕河壩村南寂寞時回
望一隻鴛鴦下渡船

夢中

幾多親愛在人間上徹霞梯會却還須是蓬瀛長買
得一家同占作家山

榜下

三十功名志未伸初將文字競通津春風漫折一枝
桂煙閣英雄笑殺人

涪陽渡

楚田人立帶殘暉驛迥村幽客路微兩岸蘆花正蕭
颯渚煙深處白牛歸

偶作

索得身歸未保閒亂來道在辱來頑留侯萬戶雖無
分病骨應消一片山

寓居有感三首

亦知世路薄忠貞不忍殘年負聖明只待東封沾慶
賜碑陰別刻老臣名

不放殘年却到家銜杯懶更問生涯河堤往往人相
送一曲晴川隔蓼花

黑鬚寄在白鬚生一度秋風減幾莖客處不堪頻送
別無多情緒更傷情

淮西

鼇冠三山安海浪龍盤九鼎鎮皇都莫誇十萬兵威
盛消箇忠良効順無

河湟有感

一自蕭關起戰塵河湟隔斷異鄉春漢兒盡作胡兒
語却向城頭罵漢人

自邛鄉北歸

巴煙冪冪久縈恨楚柳綿綿今送歸回避江邊同去
鴈莫教驚起錯南飛

青龍師安上人

災曜偏臨許國人雨中衰菊病中身清香一炷知師

意應爲昭陵惜老臣

山中

凡鳥愛喧人靜處
閒雲似妬月明時
世間萬事非吾事
只愧秋來未有詩

有感二首

自古經綸足是非
陰謀最忌奪天機
留侯却粒商翁去
甲第何人意氣歸
古來賢俊共悲辛
長是豪家拒要津
從此當歌唯痛飲
不須經世爲閒人

閒夜二首

道侶難留爲虐碁
鄰家聞說厭吟詩
前峰月照分明見
夜合香中露臥時
此身閒得易爲家
業是吟詩與看花
若使他生拋筆硯
更應無事老煙霞

雨中

維摩居士陶居士
盡說高情未足誇
簷外蓮峰階下菊
碧蓮黃菊是吾家

送道者二首

洞天真侶昔曾逢
西嶽今居第幾峰
峰頂他時教我認
相招須把碧芙蓉

殷勤不爲學燒金道侶惟應識此心
雪裏千山訪君
易微微鹿迹入深林

重陽阻雨

重陽阻雨獨銜杯移得家山菊未開
猶勝登高閒望
斷孤煙殘照馬嘶回

省試

粉闥深鎖唱同人正是終南雪霽春
閒繫長安千匹
馬今朝似減六街塵

有贈

有詩有酒有高歌春色年年奈我何
試問羲和能駐

否不勞頻借魯陽戈

證因亭

峰北幽亭願證因他生此地却容身
上方僧在時應
到笑認前銜記寫真

頃年陪恩地赴甘棠之召感動留題

司空圖

去時憔悴青衿在歸路淒涼絳帳空
無限酬恩心未
展又將孤劍別從公

九月八日

已是人間寂寞花解憐寂寞傍貧家
老來不得登高
看更甚殘春惜歲華

敷溪橋院有感

昔歲攀游景物同
藥爐今在鶴歸空
青山滿眼淚堪
碧絳帳無人花自紅

寺閣

昔歲登臨未衰颯
不知何事愛傷情
今來攬鏡翻堪
喜亂後霜鬚長幾莖

武陵路

橘岸舟閒罾網掛
茶坡日暖鷓鴣啼
女郎指點行人
笑知向花間路已迷

南北史感遇十首

雨淋麟閣名臣畫
雪臥龍庭猛將碑
不用黃金鑄侯
印盡輸公子買蛾眉

漢世頻封萬戶侯
雲臺空峻謝風流
江南不有名儒
相齒冷中原笑未休

天風幹海怒長鯨
永固南來百萬兵
若向滄洲猶笑
傲江山虛有石頭城

花迷公子玉樓恩
鏡弄佳人紅粉春
不信關山勞遠
戍綺羅香外任行塵

兵圍梁殿金甌破
火發陳宮玉樹摧
姦佞豈能慚誤
國空令懷古更衰個

行樂最宜連夜景太平方覺有春風千金盡把酬歌
舞猶勝三邊賞戰功

桃芳李艷年年發羌管蠻弦處處多海上應無三島
路人間惟有一聲歌

佳人自折一枝紅把唱新詞曲未終惟向眼前憐易
落不如拋擲任春風

景陽樓下花鈿鏡玄武湖邊錦繡旗昔日繁華今日
恨雉媒聲晚草芳時

亂後人間盡不平秦川花木最傷情無窮紅艷紅塵
裏驟馬分香散入營

狂題二首

草堂舊隱猶招我煙閣英才不見君惆悵故山歸未
得酒狂叫斷暮天雲
須知世亂身難保莫喜天晴菊併開長短此身長是
客黃花更助白頭催

紅茶花

景物詩人見卽誇豈憐高韻說紅茶牡丹枉用三春
力開得方知不是花

秋燕

從撲香塵拂面飛憐渠只爲解相依經冬好近深爐

暖何必千巖萬水歸

見後鴈有感

笑爾窮通亦似人高飛偶滯莫悲辛却緣風雪頻相阻只向關中待得春

移桃栽

獨臨官路易傷摧從遣春風恣意開禪客笑移山上看流鶯直到檻前來

憶中條

燕辭旅舍人空在螢出疎籬菊正芳堪恨昔年聯句地念經僧掃過重陽

樂府

五更窻下簇糝臺已怕堂前阿母催滿鴨香薰鸚鵡睡隔簾燈照牡丹開

放龜二首

却爲多知自不靈今朝教汝卜長生若求深處無深處只有依人會有情

世外猶迷不死庭人間莫恃自無營本期滄海堪投迹却向朱門待放生

燈花三首

蜀柳絲絲罽畫樓窻塵滿鏡不梳頭幾時金鴈傳歸

信剪斷香魂一縷愁

姊姊教人且抱兒逐他女伴卸頭遲明朝鬪草多應喜剪得燈花自掃眉

閨前小雪過經旬猶自依依向主人開盡菊花憐強舞與教弟子待新春

偶題三首

浮世悠悠旋一空多晴偏解挫英雄風光只在歌聲裏不必樓前萬樹紅

小池隨事有風荷燒酎傾壺一曲歌欲待秋塘擎露看自憐生意已無多

遼陽音信近來稀縱有虛傳通節歸永日無人新睡覺小窻晴暖蛸蟲飛

華下對菊

清香裛露對高齋泛酒偏能浣旅懷不似春風逞紅艷鏡前空墜玉人釵

與都統叅謀書有感

驚鸞迸鷺盡歸林弱羽低垂分燭沉帶病深山猶草檄昭陵應識老臣心

漫題

無官無名拘逸興有歌有酒任他鄉看看萬里休征

戊莫向新詞寄斷腸

商山二首

清溪一路照羸身不似雲臺畫像人國史數行猶有志只將談笑繼英塵

馬上搜竒已數篇籍中猶愧是頑僊關頭傳說開元事指點多疑孟浩然

與伏牛長老偈二首

不筭菩提與闡提惟應執着便生迷無端指箇清涼地凍殺胡僧雪嶺西

長繩不見繫空虛半偈傳心亦未踈推倒我山無一

事莫將文字縛真如

客中重九

楚老相逢淚滿衣片名薄宦已知非他鄉不似人間路應共東流更不歸

柳二首

誰家按舞傍池塘已見繁枝嫩眼黃漫說早梅先得意不知春力暗分張

似擬凌寒妬早梅無端弄色傍高臺折來未有新枝長莫遣佳人更折來

光啓丁未別山

草堂琴畫已判燒猶託鄰僧護燕巢此去不緣名利
去若逢逋客莫相嘲

石楠

客處偷閒未是閒石楠雖好懶頻攀如何風葉西歸
路吹斷寒雲見故山

力疾上馬走筆

釀黍長添不盡杯只憂花盡客空回垂楊且爲晴遮
日留遇重陽卽放開

華陰縣樓

丹青能有幾層梯懶更揚鞭聳翠蜺偶凭危欄且南

望不勞高掌欲相携

南至四首

今冬臘後無殘日故國燒來有幾家却恨早梅添旅
思強偷春力報年華

花時不是偏愁我好事應難總取他已被詩魔長役
思眼中莫厭早梅多

年華亂後偏堪惜世路拋來已自生猶有玉真長命
縷罇前時唱緩羈情

一任喧闐遠四鄰間忙皆是自由身人來客去還須
議莫遣他人作主人

蓮峰前軒

人間上壽若能添只向人間也不嫌
看着四鄰花競發高樓從此莫垂簾

步虛

阿母親教學步虛三元長遣下蓬壺
雲韶韻俗停瑤瑟鸞鶴飛低拂寶鑪

劍器

樓下公孫昔擅場空教女子愛軍裝
潼關一敗胡兒喜簇馬驪山看御湯

乙丑人日

自怪扶持七十身歸來又見故鄉春
今朝人日逢人喜不料偷生作老人

携仙錄九首

嶽北秋空渭北川晴雲漸薄薄如煙
坐來還見微風起吹散殘陽一片蟬

一半晴空一半雲遠籠仙掌日初曛
洞天有路不知處絕頂異香難更聞

決事還須更事酬清譚妙理一時休
漁翁亦被機心誤眼暗汀邊結釣鈎

迹不趨時分不侯功名身外最悠悠
聽君總畫麒麟

閣還我閒眠舴艋舟

仙凡路阻兩難留煙樹人間一片秋若道陰功能濟
活且將方寸自焚修

若有陰功救未然玉皇品籍亦搜賢應知譚笑還高
謝別就滄洲贊上仙

英名何用苦搜竒不朽才銷一句詩却賴風波阻三
島老臣猶得戀明時

剪取紅雲剩寫詩年年高會趁花時水精樓閣分明
見只欠霞漿別着旗

此生得作太平人只向塵中便出塵移取碧桃花萬

樹年年自樂故鄉春

浪淘沙

不必長漂玉洞花曲中偏愛浪淘沙黃河却勝天河
水萬里縈紆入漢家

萬首唐人絕句卷第五十六

萬首唐人絕句卷第五十七

七言一百首

狂題一十八首

司空圖二

莫恨艱危日日多時情其奈倖門何
魏豨睡穩蛟龍渴猶把殘燒朽鐵磨

別鶴淒涼指法存戴逵能耻近王門
世間第一風流事借得王公玉枕痕

交疎自古戒言深肝膽徒傾致鑠金
不是史遷書與說誰知孤負李陵心

南華落筆似荒唐若肯經綸亦不狂
偶作客星侵帝

座却應虛薄是嚴光

不勞世路更相猜忍到須休惜得材幾度懶乘風水

便拘船折舵恐難回

由來相愛只詩僧怪石長松自得朋却怕他生還識

字依前日下作孤燈

老禪剩仗莫過身遠岫孤雲見亦頻應是佛邊猶怕

開信緣須作且閒人

止竟閒人不愛閒只偷無事閉柴關轟霆攪破蛟龍

窟也被狂風卷出山

地下修文著作郎生前饑處倒空牆何如神爽騎星

去猶自研幾助玉皇

雨洗芭蕉葉上詩獨來凭檻晚晴時故園雖恨風荷

膩新句閒題亦滿池

初時拄杖向鄰村漸到清明亦杜門三十年來辭病

表今朝臥病感皇恩

來時雖恨失青篳自見芭蕉幾十篇應是阿劉還宿

債剩拚才思折供錢

芭蕉叢畔碧嬋娟免更悠悠擾蜀川應到去時題不

盡不勞分寄校書牋

自傷衰病漸難平永夜單牀雨滴聲聞道虎瘡仍帶

鏃吼來和痛亦橫行
昨日流鶯今日蟬起來又是夕陽天六龍飛轡長相
窘更忍乘危自着鞭
有是有非還有慮無心無跡亦無猜不平便激風波
險莫向安時稔禍胎
十年三署讓官頻認得無才又索身莫道太行同一
路大都安穩屬閒人
曾聞劫火到蓬壺縮盡鼇頭海亦枯今日家山同此
恨人歸未得鶴歸無

遊仙二首

蛾眉新畫覺嬋娟
始鬪走將花阿母邊
仙曲教成慵不理
玉階相簇打金錢
劉郎相約事難諧
雨散雲飛自此乖
月姊殷勤留不住
碧空遺下水精釵

漫書五首

長擬求閒未得閒
又勞行役出秦關
逢人漸覺鄉音異
却恨鶯聲似故山
溪邊隨事有桑麻
盡日山程十數家
莫怪行人頻悵望
杜鵑不是故鄉花
海上昔聞麋愛鶴
山中今見鹿憎龜
愛憎止竟須關

分莫把微才望所知
世路快心無好事恩門嘉話合書紳神藏鬼伏能千
變亦勝忘機避要津
四翁識勢保安閒須爲生靈暫出山一種老人能筭
度磻溪心跡愧商顏

偶詩五首

閒韻雖高不銜才偶拋猿鳥乍歸來夕陽照箇新紅
葉似要題詩落硯臺
芙蓉騷客空留怨芍藥詩家只寄情誰似天才李山
甫牡丹屬思亦縱橫

賢豪出處盡沉吟白日高懸只照心一掬信陵墳上
土便如碣石累千金
聲貌由來固絕倫今朝共許占殘春當歌莫怪頻垂
淚得地翻慚早失身
中宵茶鼎沸時驚正是寒窗竹雪明甘得寂寥能到
老一生心地亦應平

雜題二首

先知左袒始同行須待龍樓羽翼成若使只憑三傑
力猶應漢鼎一毫輕
魚在枯池鳥在林四時無奈雪霜侵若教激勸田真

空亦獎青松徑寸心

光化踏青有感

引得車回莫認恩却成寂寞與誰論到頭不是君王
意羞插垂楊更傍門

丑年冬

醉日昔聞都下酒何如今喜折新茶不堪病渴仍多
慮好向滄湖便出家

白菊三首

人間萬恨已難平栽得垂楊更繫情猶喜閨前霜未
下菊邊依舊舞身輕

莫惜西風又起來猶能婀娜傍池臺不辭暫被霜寒
挫舞袖招香即却回
爲報繁霜且莫催窮秋須到自低垂橫拖長袖招人
別只待春風却舞來

扇

珍重逢秋莫棄捐依依只仰故人憐有時池上遮殘
日承得霜林幾箇蟬

修史亭三首

山前鄰叟去紛紛獨強衰羸愛杜門漸覺一家看冷
落地爐生火自溫存

甘心七十且酣歌自筭平生幸已多不似香山白居易
士晚將心地着禪魔

烏紗巾上是青天檢束酬知四十年誰料平生摩鷹
手挑燈自送佛前錢

力疾山下吳村看杏花十九首

春來漸覺一川明馬上繁花作陣迎掉臂只將詩酒
敵不勞金鼓助橫行

闐闐曾排捧御爐猶看曉月認金鋪羸形不畫凌煙
閣只爲微才激壯圖

鏡留雪鬢暖消無春到梨花日又晴移取扶桑堦下

種年年看長礙金烏

折來未盡不須休年少爭來共與留更願狂風知我
意一時吹向海西頭

才情百巧鬪風光却笑雕花刻葉忙熨帖新巾來與
衆猶看騰踏少年場

浮世榮枯總不知且憂花陣被風欺儂家自有麒麟
閣第一功名只賞詩

白衫裁袖本教寬朱紫由來亦一般王老小兒吹笛
看我儂試舞爾儂看

單牀薄被又羈縻待到花開亦甚迷若道折多還有

罪只應鷲轉是金雞

近來桃李半燒枯歸臥鄉園只老夫莫筭明年人在
否不知花得更開無

漢王何事損精神花滿深宮不見春穠艷三千臨粉
鏡獨悲掩面李夫人

能艷能芳自一家勝鸞勝鳳勝煙霞客來須共醒醒
看碾盡明昌幾角茶

造化無端欲自神裁紅剪翠爲新春不如分減閒心
力更助英豪濟活人

裴回自勸莫沾纓分付年年谷口鶯却賴無情容易
別有情早箇不勝情

閒步偏宜舞袖迎春光何事獨無情垂楊合是詩家
物只向敷溪道北生

亦知王大是昌齡杜二其如律韻情還有酸寒堪笑
處擬誇朱紱更崢嶸

潘郎愛說是詩家枉占河陽一縣花千載幾人搜警
句補方金字愛晴霞

行樂溪邊步轉遲出山漸減探花期去今四度今三
度恐到憑人折去時

此身衰病轉堪嗟長忍春寒獨惜花更恨新詩無紙

寫蜀牋堆積是誰家

昨日黃昏始看回夢中
相約又啣杯起來聞道風飄
却猶擬教人掃取來

少儀

昨日登班綴柏臺更慚起
草屬微才錦窠不是尋常
錦兼向丘遲奪得來

重陽四首

簷前減燕菊添芳燕盡庭前菊
又荒老大比他年少
少每逢佳節更悲涼

雨寒莫待菊花催須怕晴空暖
併開開却一枝開却

盡且隨幽蝶更裴徊

青娥懶唱無衣換黃菊新開乞酒難
長有長亭惆悵
事隔河更得對憑欄

白髮怕寒梳更懶黃花晴日照初開
籬頭應是蝶相
報已被鄰家携酒來

長命縷

他鄉處處堪悲事殘照依依惜別天
此去知名長命
縷殷勤爲我唱花前

柏東

真得機心豈在僧柏東
閒步愛騰騰免教世路人相

忌逢着村醪亦不憎

歌者十二首

追逐翻嫌傍管弦
金釵擊節自當筵
風霜一夜燕鴻斷
唱作江南板楔天

玉樹花飄鳳失棲
一聲初壓管弦低
清回煩暑成瀟灑
艷逐寒雲變慘悽

十斛明珠亦易拚
欲兼人藝古來難
五雲合是新聲染
鎔作瓊漿灑露盤

不似新聲唱亦新
旋調玉管旋生春
愁腸隔斷珠簾外
只爲今宵共聽人

十年逃難別雲林
暫輟狂歌却聽琴
轉覺淡交言有味
此聲知是古人心

五柳先生自識微
無言共笑手空揮
曾中免被風波撓
肯爲蟾蜍動殺機

風霜寒水旅人心
幾處笙歌繡戶深
分泊一場雲散後
未勝初夜便聽琴

自憐眼暗難求藥
莫恨花繁便有風
桃李更開須強看
明年蕪恐聽歌聲

白雲深處寄生涯
歲暮生情賴此花
蜂蝶繞來忙繞袖
似知教折送隣家

重九仍重歲漸闌強開病眼更登攀年年認得酣歌
處猶恐招魂葬故山

繞壁依稀認寫真更湏粉繪飾羸身淒涼不道身無
壽九日還無舊會人

鶴氅花香搭槿籬枕前蛩迸酒醒時夕陽似照陶家
菊黃蝶無窮壓故枝

題裴晉公華嶽廟題名

岳前大隊赴淮西從此中原息鼓鼙石闕莫教苔蘚
上分明認取晉公題

楊柳枝壽孟詞十八首

樂府翻來占太平風光無處不含情千門萬戶喧歌
吹富貴人間只此聲

撼晚梳空不自持與君同折上樓時春風還有常情
處繫得人心免別離

灞亭東去徹隋堤贈別何須醉似泥萬里往來無一
事便帆輕拂亂鶯啼

臺城細仗曉初移詔賜千官襖飲時綠帳遠籠清珮
響更曛晴日上龍旗

桃源仙子不須誇聞道惟栽一片花何似浣紗溪畔
住綠陰相間兩三家

偶然樓上捲珠簾
往往長條拂枕函
恰值小娥初學
舞擬偷金縷
押春衫

池邊影動散鴛鴦
更引微風亂繡牀
直待玉窻塵不
起始應金鴈得成行

稻畦分影向江村
憔悴經霜只半存
昨日流鶯今不
見亂螢飛出照黃昏

客淚休沾漢水濱
舞腰羞殺漢官人
狂風更與回煙
箒掃盡繁花獨占春

遊人莫歎易凋衰
長樂榮枯自有期
看取明年春意
動更於何處最先知

昔年行樂及芳時
一上丹梯桂一枝
笑問江頭醉公
子饒君滿把麴塵絲

渡頭殘照一行新
獨自依依向北人
莫恨程鄉千里
遠眼中從此故鄉春

絮惹輕枝雪未飄
小溪煙束帶危橋
鄰家女伴頻攀
折不覺回身鬢翠翹

處處榮空百萬枝
一枝枝好更題詩
隔城遠岫招行
客便與朱樓當酒旗

錦城分得映金溝
兩岸年年引勝遊
若似松篁須帶
雪人間何處認風流

日暖津頭絮已飛
看看還是送春歸
莫言萬緒牽愁思
緝取長繩繫落暉

大堤時節近清明
霞襯煙籠遶郡城
好是梨花相映處
更勝松雪日初晴

聖主千年樂未央
御溝金翠滿垂楊
年年織作昇平字
高映南山獻壽觴

山鵲

多驚本爲好毛衣
只賴人憐始却歸
衆鳥目知顏色減
妬他偏向眼前飛

李居士

高居只在五峰前
應是精靈降作賢
萬里無雲惟一

鶴鄉中同看却昇天

靈一作星

萬首唐人絕句卷第五十七

